

**Жалованная грамота короля Владислава Ягайла Юсифу Бѣдуну
на городище Копыстно, на церковь Покровскую и на пустяя дворища
въ Перелышльскои волости въ Червонои Руси.**

Во имя Божіе станся. Мы Владиславъ, съ Божей милости король Польскій, Литовскій, Рускій и иныхъ многихъ земель господарь, знаемо чинимъ симъ нашимъ листомъ, кто коли на нь узритъ, или услышитъ чтучи: аже слуга нашъ Бѣдунъ, на имя Есифъ, послужилъ намъ вѣрно, и мы узрѣвши на его вѣрную службу, хотячи по немъ ажбы тымъ лѣпѣй и вѣрнѣй послужилъ намъ и дѣтемъ нашимъ и нашимъ щадкумъ, вонъ и его дѣти, и его намѣсткове, даемъ, и дали есмы слузѣ нашему Бѣдуну, на имя Есифу, наше городище Копыстно, церковь на имя Покрова Матере Божое, а подъ городищемъ Копыстномъ наша дворища пустая Боднарская, то есмы ему дали у нашей волости у Перемыской, што коли къ тому прислушало изъ вѣка вѣчнаго; и къ тымъ дворищомъ, што суть поля того зобопуль лѣса Стручина, лука Моговище малое и великое, што къ тому городищу слушало, даемъ, оддали есмы тую истную дѣдину нашу на вѣки вѣкомъ. А тако дали есмы ему и его дѣтемъ и его намѣсткомъ, со всѣмъ правомъ, зъ лѣсы, съ дубравами и съ пасѣками, съ полемъ и зъ сѣножатми, зъ водами, ставами, зо всѣми ужитки и зъ вѣчными границами, што къ тому селу изъ вѣка прислушало и слушаетъ, како широко и долго и округло у его границахъ. А той истный слуга нашъ Бѣдунъ, на имя Есифъ, имаеть служити намъ и нашимъ дѣтемъ изъ того села двѣма стрѣлци, и на каждую нашу дорогу, гдѣ намъ потребизна. А про недостатокъ людей имаеть слуга нашъ Бѣдунъ, на имя Есифъ, самъ у той земли у Перемыской быти и въ томъ селѣ; а коли бы была отъ нѣкоторыхъ нашихъ непріятелей налога на нашу землю Перемыскую, тогды имаеть слуга нашъ Бѣдунъ, на имя Есифъ, самъ своимъ животомъ полагати со всѣми своими людими на оборонѣня нашей землѣ Премыской. А тьи роботы и дани и поплатки имаеть робити и давати къ нашей потребизнѣ, яко иншіе земляне, коли есть того потребизна. А къ сему нашему листу на крѣпость казали есмо нашу печать великую привѣсити, у нашомъ городѣ у Сундомири, другое недѣли въ понедѣлокъ великого поста, подъ лѣты Рожества Христова, тысяча лѣтъ, и чтериста лѣтъ и осмъ лѣтъ. А при томъ были свѣдци: панъ Янь Краковскій съ Тарнова, панъ Хрчонъ, воевода Судомирскій, панъ Михаль Любелскій, панъ Клементъ Вислицкій, панъ Войтко, Судомирскій судья, панъ Мичекъ Штанъ, подсудокъ Судомирскій. Аминь.

*Изъ рукописнаго сборника, хранящагося въ
Львовской Оссолинской библиотекѣ, подъ No 34.*